



Broj: 02-02-3696/17
Ilidža, 09.10.2017.godine

Na osnovu člana 15. Zakona o principima lokalne samouprave („Službene novine FBiH“, broj 49/06), člana 34. Zakona o radu („Službene novine FBiH“, broj 26/16), te Zaključka Općinskog vijeća Ilidža broj 01-02-5716/14-1 od 27.11.2014.godine, Općinski načelnik donosi

P R A V I L N I K

O KRITERIJIMA, POSTUPKU IZBORA I PRIJEMA LICA NA STRUČNO OSPOSOBLJAVANJE BEZ ZASNIVANJA RADNOG ODNOSA U JEDINSTVENI OPĆINSKI ORGAN UPRAVE OPĆINE ILIDŽA

I.OSNOVNE ODREDBE

Član 1. *(Predmet Pravilnika)*

Ovim Pravilnikom utvrđuju se kriteriji i postupak izbora lica visoke stručne spreme ili visokog obrazovanja Bolonjskog sistema studiranja na stručno osposobljavanje u Jedinostveni općinski organ uprave Općine Ilidža.

1

Član 2. *(Prijem)*

- (1) Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju od 12 mjeseci.
- (2) Lice koje nakon završene visoke stručne spreme ili visokog obrazovanja Bolonjskog sistema studiranja ima ostvareno radno iskustvo od jedne godine ili više, ne može se primiti na stručno osposobljavanje.

Član 3. *(Prava lica na stručnom osposobljavanju)*

Licima za vrijeme stručnog osposobljavanja osigurava se odmor u toku rada pod istim uslovima kao i za uposlenika u radnom odnosu, te prava po osnovu osiguranja za slučaj povrede na radu ili profesionalne bolesti u skladu sa propisima iz PIO/MIO.

Član 4. *(Donošenje Odluke o broju lica za prijem na stručno osposobljavanje)*

Općinski načelnik donosi odluku o broju lica za prijem na stručno osposobljavanje bez zasnivanja radnog odnosa u skladu sa Budžetom Općine Ilidža.



II. JAVNI POZIV ZA KANDIDATE NA STRUČNO OSPOSABLJAVANJE BEZ ZASNIVANJA RADNOG ODNOSA

Član 5. (Javni poziv)

- (1) Prijem lica na stručno osposobljavanje bez zasnivanja radnog odnosa vrši se na osnovu javnog poziva koji raspisuje Općinski načelnik u okviru raspoloživih sredstava u skladu sa Odlukom iz člana 4. ovog Pravilnika.
- (2) Javni poziv se objavljuje na WEB stranici Općine Ilidža i otvoren je namanje 15 (petnaest) dana od dana objave javnog poziva.

Član 6. (Sadržaj javnog poziva)

Javni poziv sadrži:

- a) naznaku da se radi o prijemu lica na stručno osposobljavanje bez zasnivanja radnog odnosa;
- b) opće uslove utvrđene članom 35. Zakona o državnoj službi u Kantonu Sarajevo;
- c) vrstu visoke stručne spreme ili visokog obrazovanja Bolonjskog sistema studiranja;
- d) naznaku da se izbor i prijem lica na stručno osposobljavanje vrši u skladu sa jedinstvenim kriterijima iz ovog Pravilnika;
- e) napomenu da stručno osposobljavanje traje 12 mjeseci bez zasnivanja radnog odnosa;
- f) spisak potrebnih dokumenta kojima se dokazuje ispunjavanje uslova iz javnog poziva;
- g) rok za podnošenje prijave, mjesto i način dostavljanja.

III. KRITERIJI ZA IZBOR

Član 7. (Posebni kriteriji)

- (1) Za izbor lica na stručno osposobljavanje bez zasnivanja radnog odnosa pored općih uslova predviđenih članom 35. Zakona o državnoj službi u Kantonu Sarajevo utvrđuju se i slijedeći kriteriji:
 - a) prosjek ocjena svih studijskih godina;
 - b) trajanje nezaposlenosti nakon sticanja diplome, a prema evidenciji nadležne službe za zapošljavanje;
 - c) invalidnost (u visini od najmanje 60%);
 - d) mjesto prebivališta;
 - e) dopunski kriteriji pripadnost boračkoj populaciji – prednost pod jednakim uslovima.
- (2) Kandidati koji se prijave na javni poziv uz prijavu prilažu dokaze iz stava 1. ovog člana. Dokazi mogu biti originalni ili u ovjerenoj kopiji.
- (3) Ukoliko kandidat ne dostavi dokaz o ispunjavanju kriterija iz stava 1. tačka e) ovog člana neće biti bodovan po tom osnovu odnosno neće ostvariti prednost pod jednakim uslovima.

Član 8. (Dodjela bodova po osnovu ostvarenog prosjeka ocjena)

- (1) Za prosjek ocjena završenog studija dodjeljuju se slijedeći bodovi:
 - a) kod sistema ocjenjivanja od " 5 do 10":



- | | |
|---|----------|
| 1) za prosjek od 6,00 do 6,99 | 1 bod |
| 2) za prosjek od 7,00 do 7,99 | 2 boda |
| 3) za prosjek od 8,00 do 8,99 | 3 boda |
| 4) za prosjek od 9,00 do 9,50 | 4 boda |
| 5) za prosjek od 9,51 do 10,00 | 5 bodova |
| 6) za značku student generacije/zlatna značka | 7 bodova |

b) kod sistema ocjenjivanja od 1 do 5

- | | |
|---|----------|
| 1) za prosjek od 2,00 do 2,99 | 1 bod |
| 2) za prosjek od 3 do 3,99 | 2 boda |
| 3) za prosjek od 4 do 4,25 | 3 boda |
| 4) za prosjek od 4,26 do 4,50 | 4 boda |
| 5) za prosjek od 4,51 do 5,00 | 5 bodova |
| 6) za značku student generacije/zlatna značka | 7 bodova |

Član 9.

(Dodjela bodova po osnovu trajanja nezaposlenosti)

Za trajanje nezaposlenosti nakon sticanja visoke stručne spreme dodjeljuju se slijedeći bodovi:

- | | |
|-----------------------------|--------|
| a) do jedne godine | 1 bod |
| b) od jedne do dvije godine | 2 boda |
| c) od dvije do tri godine | 3 boda |
| d) preko tri godine | 4 boda |

Član 10.

(Dodjela bodova na osnovu invalidnosti)

3

Ako kandidat ima invalidnost 60% i više dodjeljuje se 5 bodova.

Član 11.

(Dodjela bodova na osnovu mjesta prebivališta)

Ako kandidat ima prebivalište na području općine Ilidža dodjeljuje mu se 8 bodova.

Član 12.

(Prednost pod jednakim uslovima)

(1) Dopunski kriteriji pripadnosti boračkoj populaciji – prednost pod jednakim uslovima po kriterijima iz člana 8. i 9. ovog Pravilnika ostvaruju:

- dijete šehida ili dijete poginulog borca ili dijete bez oba roditelja
- RVI
- dijete RVI
- nosilac ratnog priznanja
- dijete nosioca ratnog priznanja
- status demobilisanog borca
- dijete demobilisanog borca

(2) Kandidat ostvaruje prednost po jednom od kriterija iz stava 1. ovog člana.

(3) Prema Zakonu ovaj kriterij se primjenjuje u slučaju kada kandidati na određenoj poziciji imaju jednak broj bodova – prednost pod jednakim uslovima.



IV. POSTUPAK IZBORA

Član 13. (Komisija za prijem)

Postupak izbora lica na stručno osposobljavanje provodi Komisija za izbor (u daljem tekstu: Komisija) koju formira Općinski načelnik, a sastoji se od 5 članova.

Član 14. (Rad Komisije)

- (1) Komisija razmatra pristigle prijave i utvrđuje redoslijed kandidata na osnovu ukupnog broja bodova a u skladu sa kriterijima iz članova od 8. do 12. ovog Pravilnika.
- (2) Nepotpune i neblagovremene prijave kandidata koji ne ispunjavaju uslove javnog poziva komisija ne uzima u razmatranje.
- (3) Ako dva i više kandidata imaju isti broj bodova prednost ima kandidat koji je ostvario više bodova po kriteriju iz člana 8. ovog Pravilnika.
- (4) Ako dva ili više kandidata imaju isti broj bodova i ispunjavaju bilo koji od kriterija iz člana 12. ovog Pravilnika, prednost ima kandidat koji je ostvario više bodova po kriteriju iz člana 8. ovog Pravilnika.

Član 15. (Rang lista kandidata)

Komisija na osnovu dodijeljenih bodova sastavlja rang listu kandidata te istu dostavlja Općinskom načelniku.

Član 16. (Odluka o izboru)

- (1) Općinski načelnik donosi Odluku o izboru u roku od 8 dana od dana prijema rang liste.
- (2) U slučaju da se nakon sastavljanja rang liste kandidata utvrdi da za određene tražene pozicije nema prijavljenih kandidata ili da se nije prijavio traženi broj, Općinski načelnik može izvršiti prijem kandidata na pozicije koje nisu popunjene po redoslijedu sa rang liste drugih prijavljenih struka traženih javnim pozivom.
- (3) Odluka o izboru dostavlja se kandidatima.

Član 17. (Zaključivanje Ugovora o prijemu lica na stručno osposobljavanje bez zasnivanja radnog odnosa)

Sa kandidatom koji ima najveći broj bodova za određeno zanimanje Općinski načelnik zaključuje ugovor o prijemu na stručno osposobljavanje bez zasnivanja radnog odnosa.

Član 18. (Obavješćavanje kandidata i podnošenje prigovora)

- (1) Svi kandidati koji su učestvovali u javnom pozivu pismeno se obavješćavaju o izvršenom izboru.
- (2) Kandidati čije prijave nisu razmatrane zato što su neblagovremene, nepotpune ili zbog neispunjavanja uslova iz Javnog poziva, kao i kandidati koji smatraju da bodovanje nije izvršeno u skladu sa Pravilnikom mogu u roku od 8 dana od dana prijema obavješćenja iz stava 1. ovog člana podnijeti prigovor Općinskom načelniku



(3) Odluka Općinskog načelnika donesena po prigovoru je konačna.

V. PRELAZNE I ZAVRŠNE ODREBE

Član 19. *(Stupanje na snagu)*

- (1) Ovaj pravilnik stupa na snagu danom donošenja.
- (2) Stupanjem na snagu ovog pravilnika prestaje da važi Pravilnik broj 02-34-3678/15 od 29.09.2015.godine

OPĆINSKI NAČELNIK

prof.dr Senaid Memić

5

Broj: 02-02-3693/17

Datum: 09.10.2017.

